



FONDACIJA

ZA IZDAVAŠTVO
SARAJEVO

Broj: 04-3-61/20

Sarajevo, 6. 7. 2020. godine

Na osnovu člana 31. stav 1. Pravilnika o procedurama i kriterijima za izbor korisnika i dodjelu sredstava Fondacije za izdavaštvo broj: 02-251/13 i 1-01-1-109/19 i Odluke o raspisivanju Konkursa za izbor korisnika sredstava Fondacije za izdavaštvo za 2020. godinu, broj: 04-3-59/20 od 29. 6. 2020. godine, te u skladu sa Odlukom o usvajanju Programa utroška sredstava sa kriterijima raspodjele sredstava sa pozicije "Tekući transferi drugim nivoima vlasti i fondovima - Transfer za fond za izdavaštvo" utvrđenih Budžetom Federacije Bosne i Hercegovine za 2020. godinu Federalnom ministarstvu kulture i sporta - Federalnom ministarstvu kulture i športa V broj: 906/2020 od 25. 6. 2020. godine („Službene novine Federacije BiH“, broj 44/20), Upravni odbor Fondacije za izdavaštvo, raspisuje

**KONKURS/NATJEČAJ
za izbor korisnika sredstava
Fondacije za izdavaštvo za 2020. godinu**

I - PREDMET KONKURSA/NATJEČAJA

Predmet Konkursa/Natječaja je prikupljanje prijava i izbor korisnika sredstava Fondacije za izdavaštvo (u daljem tekstu: Fondacija) za 2020. godinu.

II - OBLASTI U OKVIRU KOJIH ĆE SE VRŠITI IZBOR KORISNIKA SREDSTAVA

Raspoloživa sredstva prema oblastima u okviru kojih će se vršiti izbor korisnika iznose kako slijedi:

- a) 190. 000,00 KM za oblast Podrška izdavačima za objavljivanje knjiga,
- b) 90.000,00 KM za oblast Periodika,
- c) 55.000,00 KM za oblast Plasman i promoviranje knjige i autora i
- d) 55.000,00 KM za oblast Drugi oblici sufinansiranja izdavačke djelatnosti.

Sredstva za oblast a) će se dodijeljivati korisnicima u rasponu od 500,00 KM do 25.000,00 KM.

Sredstva za oblasti b), c) i d) će se dodijeljivati korisnicima u rasponu od 500,00 KM do 10.000,00 KM.

III – USLOVI ZA PODNOŠENJE PRIJAVE

Uslovi koje programi i projekti moraju zadovoljiti kako bi sudjelovali na Konkursu / Natječaju za izbor korisnika sredstava Fondacije za 2020. godinu su Opći uslovi i Posebni uslovi.

Opći uslovi se odnose na prijave iz svih oblasti za koje je raspisan Konkurs, te će programi i projekti koji ne budu zadovoljavali jedan, bilo koji od navedenih uslovi, biti eliminisani iz daljnje procedure i neće biti razmatrani. Za uredno ispunjene uslove projektu se ne dodjeljuju bodovi.

	Opći uslovi
1.	Blagovremenost prijave
2.	Potpuna dokumentacija
3.	Uredan datum izdavanja/ovjere dokumenata
4.	Dostavljen i usvojen izvještaj o namjenskom utrošku ranije dodijeljenih sredstava

Prijava pored Općih uslova treba ispuniti i Posebne uslove za oblast na koju se odnosi.

III-2 Posebni uslovi prema oblastima:

III-2a	Podrška izdavačima za objavljivanje knjiga
1.	Knjiga se objavljuje prvi put
2.	Knjiga je pisana na bosanskom, hrvatskom ili srpskom jeziku; latiničnim ili ćiriličnim pismom
3.	Knjiga nije udžbenik
4.	Knjigu prijavljuje izdavač
5.	Izdavač prijavljuje najviše 10 rukopisa

III-2b	Periodika
1.	Finansira se tačno određen broj ili brojevi časopisa
2.	Časopis iz oblasti kulture i književnosti
3.	Časopis ima uredan ISSN Nacionalne i univerzitetske biblioteke BiH
4.	Časopis pisan na bosanskom, hrvatskom ili srpskom jeziku; latiničnim ili ćiriličnim pismom
5.	Časopis prijavljuje izdavač

III-2c	Plasman i promoviranje knjige i autora
1.	Osigurana odgovarajuća oprema i prostor za realizaciju programa/projekta
2.	Odgovarajući stručni kadar za održavanje programa/projekta
3.	Medijsko obilježavanje programa

IV – KRITERIJI ZA ODABIR KORISNIKA SREDSTAVA

Odabir programa i projekata vršit će se u skladu s usvojenim Općim i Posebnim kriterijima. Prema Općim kriterijima se vrši bodovanje projekata za sve oblasti za koje se objavljuje Konkurs za izbor korisnika sredstava. Maksimalan broj bodova koji može biti dodijeljen na osnovu Općih kriterija je 50. Ovi bodovi se sabiraju sa bodovima dodijeljenim na osnovu Posebnih kriterija za svaku oblast.

IV-1	Opći kriteriji	Maksimalni broj bodova
1.	Kvaliteta programa ili projekta	10
2.	Kontinuitet programa ili projekta	10
3.	Doprinos projekta ili programa promociji kulture i kulturnih vrijednosti u Federaciji BiH	10
4.	Jačanje kulturnih kapaciteta/Razvoj kulturnog kapitala	10
5.	Dostupnost i inkluzivnost	10
		Ukupno:50

IV-2 Posebni kriteriji prema oblastima:

IV-2a Podrška izdavačima za objavljivanje knjiga

	Posebni kriteriji za projekte	Maksimalni broj bodova
1.	Književno-umjetnička, teorijska, kulturno-historijska, tradicijska ili inovativna vrijednost knjige	10
2.	Književne ili stručne kompetencije autora	10
3.	Važnost tematike, istraživački napor	10
4.	Afirmativno mišljenje stručnih recenzenata	10
5.	Smanjenje zaostatka u prevođenju i recepciji svjetske književnosti, teorijske i naučne literature iz oblasti kulture	10
		Ukupno: 50

	Posebni kriteriji za profesionalnu sposobnost podnosioca prijave		Broj bodova
1.	Dužina profesionalnog djelovanja	0-2 godine	1 bod
		3-5 godina	3 boda
		6-9 godina	5 bodova
		10 i više godina	10 bodova
2.	Broj objavljenih naslova u posljednje tri godine	1-14 naslova	5 bodova
		15-29 naslova	7 bodova
		30 i više naslova	10 bodova
3.	Broj zaposlenih	1-2 zaposlenika	5 bodova
		3-5 zaposlenika	7 bodova
		6 i više zaposlenika	10 bodova
			Ukupno: 30

Iznos sredstava koji može biti odobren podnosiocu prijave u okviru oblasti Podrška izdavačima za objavljivanje knjiga na osnovu dodijeljenog broja bodova je sljedeći:

- a) 0 – 77 bodova – 0 KM;
- b) 78-91 bod – do 3.000,00 KM;
- c) 92-104 boda – do 5.000,00 KM;
- d) 105-117 bodova – do 10.000,00 KM i
- e) 118-130 bodova – do 25.000,00 KM.

IV-2b Periodika

		Maksimalni broj bodova
1.	Višegodišnja tradicija časopisa	10
2.	Dobro osmišljena programska orijentacija	10
3.	Doprinos autorskoj produkciji domaćih pisaca	10
4.	Posjedovanje estetskih, kritičko-teorijskih i kulturnih vrijednosti	10
5.	Smanjenje zaostatka u prevođenju i recepciji svjetskih književnih i kritičko-teorijskih tokova	10
		Ukupno:50

Iznos sredstava koji može biti odobren podnosiocu prijave u okviru oblasti Periodika na osnovu dodijeljenog broja bodova je sljedeći:

- a) 0-59 bodova – 0 KM;
- b) 60-70 bodova – do 1.500,00 KM;
- c) 71-80 bodova – do 3.000,00 KM;
- d) 81-90 bodova – do 5.000,00 KM i
- e) 91-100 bodova – do 10.000,00 KM.

IV-2c Plasman i promoviranje knjige i autora

		Maksimalni broj bodova
1.	Prezentiranje inovacija	10
2.	Intenziviranje prisutnosti knjige, autorskoga rada i izdavačkih rezultata	10
3.	Regionalna i nacionalna zastupljenost	10
4.	Broj učesnika koji su obuhvaćeni projektom	10
5.	Finansiranje programa ili projekta iz drugih izvora	10
		Ukupno:50

Iznos sredstava koji može biti odobren podnosiocu prijave u okviru oblasti Plasman i promoviranje knjige i autora na osnovu dodijeljenog broja bodova je sljedeći:

- a) 0-59 bodova – 0 KM;
- b) 60-70 bodova – do 1.500,00 KM;
- c) 71-80 bodova – do 3.000,00 KM;
- d) 81-90 bodova – do 5.000,00 KM i
- e) 91-100 bodova – do 10.000,00 KM.

V – DOKUMENTACIJA ZA PRIJAVU NA KONKURS

Dokumentacija koja se dostavlja uz svaki projekat sa kojim se aplicira za sredstva Fondacije je Opća dokumentacija i Posebna dokumentacija.

Ako se na Konkurs / Natječaj prijavljuje više projekata iz različitih oblasti, neophodno je za svaku oblast dostaviti zaseban komplet obrazaca i potrebne dokumentacije.

	Opća dokumentacija
a	Popunjena Prijava sa pečatom i potpisom, dostavlja se kao original. Prijava se može preuzeti na internet stranici www.fondacijaizdavstvo.ba u odjeljku OBRASCI.
b	Aktuelni izvod iz registra ili ekvivalentan dokument koji je izdao nadležni sudski ili upravni organ kod kojeg je podnosilac zahtjeva upisan u registar sa datumom izdavanja koji nije stariji od šest mjeseci od dana objave Konkursa, dostavlja se kao original ili kopija ovjerena kod nadležnog organa.
c	Uvjerenje o poreskoj registraciji - identifikacijski broj - dostavlja se kao kopija ovjerena kod nadležnog organa. Ovjera nije starija od šest mjeseci od dana objave Konkursa.
d	Potvrda od banke o solventnosti sa tačno navedenim instrukcijama za uplatu sredstava sa datumom izdavanja koji nije stariji od šest mjeseci od dana objave Konkursa, dostavlja se kao original ili kopija ovjerena kod nadležnog organa.
e	Bilans stanja i Bilans uspjeha, odnosno Račun prihoda i rashoda za 2019. godinu sa pečatom FIA-e, dostavlja se kao kopija.
f	Uvjerenje Porezne uprave o izmirenim poreskim obavezama sa datumom izdavanja koji nije stariji od šest mjeseci od dana objave Konkursa, dostavlja se kao original ili kopija ovjerena kod nadležnog organa.
g	Uvjerenje Porezne uprave o izmirenim porezima i doprinosima za zaposlenike sa datumom izdavanja koji nije stariji od šest mjeseci od dana objave Konkursa, dostavlja se kao original ili kopija ovjerena kod nadležnog organa. Ukoliko podnosilac prijave nema zaposlenika dostavlja originalnu Izjavu ovjerenu kod nadležnog organa. Ovjera nije starija od šest mjeseci od dana objave Konkursa.

V-2 Posebna dokumentacija prema oblastima:

V-2a	Podrška izdavačima za objavljivanje knjiga
1.	Dio rukopisa knjige, odnosno dio prevoda knjige sa stranog jezika (minimalno 20 stranica), dostavlja se kao kopija
2.	Dvije stručne recenzije (opcionalno), dostavlja se kao kopija
3.	Potvrda o sufinansiranju, ako takva potvrda postoji, dostavlja se kao kopija
4.	Detaljan projekat sa obavezno razrađenom finansijskom konstrukcijom po pojedinačnim stavkama (lektor, korektor, štampa, autorski honorari itd.), dostavlja se kao original
5.	Izjava o broju objavljenih naslova i broju zaposlenih ovjerena kod nadležnog organa, dostavlja se kao original

V-2b	Periodika
1.	Jedan primjerak časopisa ili razrađena programska orijentacija za nove časopise, dostavlja se kao original
2.	Predračun za štampanje časopisa, dostavlja se kao kopija
3.	Detaljan projekat sa obavezno razrađenom finansijskom konstrukcijom po pojedinačnim stavkama (lektor, korektor, štampa, autorski honorari itd.), dostavlja se kao original
4.	Potvrda o sufinansiranju, ako takva potvrda postoji, dostavlja se kao kopija

V-2c	Plasman i promoviranje knjige i autora
1.	Detaljan projekat (pored tematskog sadržaja potrebno naznačiti planirani prostor i vrijeme, tim osoba koje će raditi na realizaciji programa, te druge podatke u skladu sa kriterijima, uključujući i razrađenu finansijsku konstrukciju projekta), dostavlja se kao original
2.	Ugovor sa partnerskim organizacijama koje će raditi na realizaciji projekta, ako takav ugovor postoji – kopija
3.	Potvrda o sufinansiranju, ako takva potvrda postoji, dostavlja se kao kopija

Dokumentaciju koja nije tražena Konkursom / Natječajem nije potrebno dostavljati jer ista neće biti uzeta u obzir prilikom razmatranja.

Svi traženi dokumenti dostavljaju se u jednom primjerku. Dodatne kopije tražene dokumentacije nije potrebno dostavljati u papirnoj niti elektronskoj verziji.

Dokumentacija i prilozi koji budu dostavljeni za sudjelovanje u Konkursu / Natječaju neće se vraćati.

Prijava sa projektom i potrebnom dokumentacijom podnosi se isključivo putem pošte na adresu:

Fondacija za izdavaštvo

Obala Maka Dizdara 2

71 000 Sarajevo

uz naznaku: „PRIJAVA NA KONKURS / NATJEČAJ“!

VI - DRUGI OBLICI SUFINANSIRANJA IZDAVAČKE DJELATNOSTI

Za oblast Drugi oblici sufinansiranja izdavačke djelatnosti sredstva se dodjeljuju na osnovu odluke Upravnog odbora Fondacije i federalnog ministra kulture i sporta u skladu sa uvjetima i kriterijima propisanim Pravilnikom o procedurama i kriterijima za izbor korisnika i dodjelu sredstava Fondacije za izdavaštvo broj: 02-251/13 i 1-01-1-109/19.

VII - PRAVO SUDJELOVANJA

Pravo podnošenja prijava na Konkurs/Natječaj imaju pravna lica registrovana za obavljanje izdavačke djelatnosti na području Federacije Bosne i Hercegovine pod uvjetima propisanim ovim Konkursom/ Natječajem.

VIII - NAČIN ODABIRA KORISNIKA SREDSTAVA

Način odabira korisnika sredstava utvrđen je Pravilnikom o procedurama i kriterijima za izbor korisnika i dodjelu sredstava Fondacije za izdavaštvo broj: 02-251/13 i 1-01-1-109/19:

- a) Prijave koje ispunjavaju formalno – pravne uvjete vrednovat će Upravni odbor Fondacije u skladu sa općim i posebnim kriterijima.
- b) Projekti će biti pojedinačno, objektivno i stručno vrednovani nakon čega će im biti dodijeljeni bodovi. Zbir ukupnog broja bodova koji budu dodijeljeni projektu od strane svih članova Upravnog odbora dijeli se sa brojem članova Upravnog odbora i predstavlja rezultat.
- c) Na osnovu rezultata Upravni odbor sačinjava rang listu projekata koja sadrži i iznos kojim će projekti biti (su)finansirani.
- d) Zavisno od iznosa raspoloživih sredstava i rezultata predstavljenih u rang listi projekata bit će sačinjena i Odluka o izboru korisnika sredstava Fondacije koja se objavljuje na internet stranici Fondacije.
- e) Sa izabranim korisnicima zaključit će se ugovor o dodjeli i korištenju bespovratnih sredstava.

IX –NAMJENSKI UTROŠAK SREDSTAVA

Izveštaj o namjenskom utrošku dodijeljenih sredstava podnose svi korisnici na sljedeći način:

- a) Dostavom narativnog i finansijskog izvještaja uz pripadajuću dokumentaciju kojom se dokazuje da su dodijeljena sredstva namjenski utrošena, pri čemu pripadajuća dokumentacija podrazumijeva: račune, uplatnice, izvode, objavljene knjige, časopise, promotivne materijale i medijske članke, fotodokumentaciju itd., zavisno iz koje oblasti je podržani projekat.
- b) Obrazac narativnog i finansijskog izvještaja je dostupan na stranici Fondacije www.fondacijaizdavastvo.ba u odjeljku „OBRASCI 2020“.
- c) Rok za dostavljanje izvještaja i prateće dokumentacije je 30 dana od završetka projekta ili 30 dana od dana uplate sredstava.
- d) Korisnik sredstava može izvršiti preraspodjelu dodijeljenih sredstava u iznosu od 10% unutar svakog pojedinačnog odobrenog dijela projekta, što izričito navodi u izvještaju uz posebno obrazloženje.
- e) Rok za podnošenje izvještaja o namjenskom utrošku sredstava se može prolongirati samo na osnovu pismenog zahtjeva korisnika sredstava podnesenog prije isteka roka za dostavljanje izvještaja preciziranog u ugovoru o dodjeli i korištenju bespovratnih sredstava.
- f) Upravni odbor može odobriti da se rok za dostavljanje izvještaja o namjenskom utrošku sredstava prolongira na period od najviše jednu godinu, te ukoliko korisnik sredstava ni u dodatno odobrenom roku ne izvrši obavezu izvještavanja primjenjuju se odredbe o povratu sredstava.

Povrat neutrošenih i nenamjenski utrošenih sredstava se vrši na sljedeći način:

Ukoliko se ustanovi da korisnik nije utrošio cjelokupan iznos dodijeljenih sredstava za realizaciju odobrenog projekta, odnosno da je nenamjenski utrošio dodijeljena sredstava, dužan je izvršiti povrat doznačenih sredstava na račun Fondacije za izdavaštvo u roku od 30 dana od dana kada Fondacija pisanim putem to zatraži, u suprotnom će se protiv korisnika pokrenuti postupak pred nadležnim sudom i istom se zabranjuje prijavljivanje na Konkurse / Natječaje Fondacije do ispunjenja obaveza po odobrenim projektima prema Fondaciji.

Rok za dostavljanje izvještaja o namjenskom utrošku sredstava za korisnike sa pozicija „Podrška izdavačima za objavljivanje knjiga“, „Periodika“, „Plasman i promoviranje knjige i autora“ i „Drugi oblici sufinansiranja izdavačke djelatnosti“ koja su dodijeljena po Konkursu Fondacije za izdavaštvo za 2019. godinu produžen je do 31. 12. 2020. godine te se izvještaji o namjenskom utrošku sredstava iz 2019. godine neće uzimati u obzir prilikom evaluacije prijava i projekata na Konkursu za izbor korisnika sredstava Fondacije za izdavaštvo za 2020. godinu.

X – ROKOVI I REZULTATI

Rok za podnošenje prijava za oblasti Podrška izdavačima za objavljivanje knjiga, Periodika i Plasman i promoviranje knjige i autora je od od 6. 7. do 4. 8. 2020. godine.

Rok za podnošenje prijava za oblast Drugi oblici sufinansiranja izdavaštva je od 6. 7. do 1. 12. 2020. godine.

Rezultati Konkursa / Natječaja bit će objavljeni na internet stranici www.fondacijaizdavstvo.ba u roku do 60 dana od zatvaranja Konkursa/Natječaja.

**PREDSJEDNIK
UPRAVNOG ODBORA**

Ivan Sivrić, s. r.